

培

蔭

軒

詩

集

培蔭軒詩集卷三

光山 胡季堂

古今體詩一百七十二首

夏日雨後登平臺望西山見天際雲氣儼然圖畫宛如身
在江南山嵐煙水閒也高一初太學首唱四絕依韻和之
雨餘殘照湧雲峰綠樹濃陰不可蹤一望水天霞鷺起又驚馳
馬喜開胸

潏灩湖光接漢津翠微山色更停勻當前雲物丹青妙造化憑
人辨假真

山自岿巖水自漫雲霞點染夕陽殘輞川圖畫天然景兩兩相

將可並看

依稀雲樹說江南山勢連天水抱山記否太湖三萬頃洞庭遙
視荻蘆灣

疊前韻四首呈范楚昀張曉山兩太學二君皆善畫

疊疊重重嶂碧峰茫茫煙水杳無蹤漁舟幾箇汀洲外盡是雲
師落落胸

天開圖畫起霞津蘆荻成叢夏木勻爲語當前兩妙手丹青莫
吝寫來真

吳山楚水兩漫漫長夏扁舟客夢殘
雖忝范張千古士多能又
向箇中看

當年我作淮南客今日同觀冀北山回首泰郵湖上路夕陽殘
照幾汀灣

四月三日祈雨龍潭疊壁閒前韻

驚颿載道邁征驂風日清和天蔚藍頂禮先參金粟相虔誠仍
拜石林潭如雲春稼霑膏渥待種秋禾望雨酣安得崇朝灑甘

露一擡雙眼對青嵐

前兩次祈雨即得山嵐青翠甚愜心曲

送宮傅周燮堂大司空得告歸里

論交許我是忘年

公長余二十歲

今日輪公作散仙解組拜辭喉舌

地挂帆認取孝廉船

公以乙科起家

前途河嶽聲華壯故里蓴鱸品味

鮮謾詡二疏高漢代

聖朝優命更堪傳

子告時特賜太子少傅

憶昔叨陪

天使座

公官制府入覲時值七十壽日御書扁額遣使賜賚甚厚余與戟門蔣少農承約陪宴

年來曳

履幸聯班每因趨殿頻扶拜

刑工兩部聯班公艱於拜跪余每扶掖

不謂抽身便

賦閒青照選文傳藝苑

公有青照樓時藝選行世

黃圖遺愛在民間送公此

去歸鄉國贏得安便藥駐顏

整頓歸帆下水舟潞河夾岸柳絲抽和光滿目鶯花麗清興盈

懷雲樹幽三輔衣冠懷舊雨五湖風月訪前遊懸知春信尋香

雪定有同心老狀頭

謂芝廷彭大司馬

還鄉未必因鄉水

浙嘉興有還鄉水

得退還推知退人物外逍遙歌

聖德閒中興味葆天真一樓煙雨憑登眺四面湖山供笑噲更

喜德門添慶事含飴畫錦弄祥麟

時公初得孫彌月

荅蔡瞻亭寄懷原韻二首

三十年前依

帝居論交心事兩清虛知君有意傳家學愧我無能讀父書壯

志未酬惜病退深情難寄覺音疎閒中坐對燕山月責善何人

是啟予

余不善治生君每以儉用相助

每過漳州舊館居故人歸去室廬虛春明聚散非彈鋏秋水兼

葭是報書萬里雲山憑夢幻百年身世幾親疎近來我益繁霜

鬢君病如何應告予

已亥庚子兩監文闈紀事四十韻

方當亥字年越歲是庚子

聖壽躋古稀

覃恩遍遠邇

眷念儒生艱加科下

特旨

令典佈八方老少咸奮起邦畿

帝之都會歸各蒞止余時領京兆奉

命叨任使兩次得監臨闈務需綜理臨期聽唱名籲俊門四啟
魚貫入龍門人材實濟濟少者口猶黃老者杖而跂問年多八

十觀光心尙企

壽考久作人雅化斯臻此誠爲

盛世瑞不禁欣然喜爰爲記姓名並爲詢鄉里歷試風簷中未
見窘寸晷三場雖克完榜發名落紙認取龐眉人前科得八士
再搜文場遺九老相邇迤先後達吾

皇職分所應爾乃蒙

天子慈賜名恩渙髓同爲乙榜人並列賢書裏曠典出

聖裁於臣何有耳誰謂諸老翁結伴來私第義理竊自明市恩
素所鄙拒之外門牆數四仍不已念彼老耄年往來艱步履已
甚不可行聊爲設酒醴延入培蔭軒列坐總依齒命兒暫主席

同年敘孔李酬酢洽衆情賦詩備各體又有聯句吟氣味芳蘭
芷細聆各篇章無乃太歸美稱謝兼致辭爭奈衆誠矢乃心固
可嘉當之增愧恥重老又崇文

天恩則應紀列序時與年錄之備宮徵吾生值

聖明遭此亦幸矣爲語十七翁

皇帝錫爾祉壯志雖未酬晚歲終悅已歸告諸兒孫世世須頂
禮

香山退直同杜凝臺姜度香汪時齋三少司寇過普照寺
看臥佛及娑羅樹

下直欣逢新雨後偷閒結伴過招提到門古柏餘蒼翠入寺香

花供品題

婆羅樹相傳來自西番時花尙未落

慧眼不開心自照金身長臥性無

迷坐觀雲樹青嵐外不盡芳華日又西

壬寅八月奉

命赴熱河伺候秋讞九日

賜飯山莊如意舟之延薰館恭紀

離宮塞外久相傳今日初瞻景物妍
丹葉繞山松點翠紅橋隔水竹藏煙
亭臺縹緲蓬萊島樓閣參差兜率天
引入延薰分翼坐

玉皇特地宴羣仙

夏日金可亭少司農招同曹齋原蔣戟門兩少司農姜度

培蔭軒詩集

卷三

五

香少司寇李杏浦閣學馬春榆觀察郊園宴集和曹薺原

韻四首

招攜何事上花臺時雨初收霽色開莊比平泉依

帝里堂傳綠野接蓬萊紅蕖立水無支蔓紫燕翻風自去來最是納涼得勝地柳陰深處好銜杯

地近城南舊草橋

出右安門五里舊名草橋近改爲石梁兩旁創成通渠岸柳成行園與之接

橋邊

楊柳綠迢迢池添新漲宜浮楫雨過微涼漫著綃到此清華誇

水木坐來臭味過蘭椒園中雪藕盤中供片片玲瓏不用雕

隄外長渠隄內池對池歡宴玉壺欹荷香恰趁當風坐笛韻偏

宜傍水吹酒勸碧筒豪飲足歌傳赤壁素襟披

是日有歌前後兩賦者工商雅

揚音韻
悠揚

二難我自慚賓客四美從君雅沁脾

淡雲輕度雨餘天爽氣迎人上畫船自喜黃鸝歌宛轉不須粉
蝶舞蹁躑西山列岫青來接南苑平蕪綠到前獨有謫仙新學
士老來情興益超然

時杏浦閣學年已七十興致最豪

立秋日亦園小集次虞京兆卽事原韻二首

一葉飄桐正報秋小園風物亦清幽城南地近雲霞麗郊外山
遙紫翠浮喬木舊畱堂上蔭蓼花新向檻前收晚來一雨添輕
爽虹襯斜陽天際流

何事秋來別興牽金風薦爽五雲邊時當快雨新晴後人在冰
壺玉映前共把郇筒開笑口誰拈花韻聳詩肩不嫌葦縣督郵

惡好上閒亭醉月眠

癸卯八月奉

命赴

盛京伺候秋讞九月初三日過撫寧早食徐氏園林和鄂虛亭

先生題壁韻

欣承

君命駕征驂秋柳迎人晚綠酣暫過山城來小憩清辭滿壁照

青嵐

半畝閒園景色幽賞花好趁月如鉤

時月之三日

殷勤未敢畱多佳

馬上頻看雁陣秋

主人一去謁金門，畱得閒庭待客喧。寂寞海棠今吐艷，原題有獨有海

棠甘寂寞秋風秋。繁花爭出老來根，原題是甲子秋日今歲次癸卯余寓園中海棠所開

兩老牆根之句。甚夥此中海棠亦開數花似有爭艷之意亦奇矣惜虛亭未見耳

花木盈前水石遙，深沈庭院遠塵囂。明窓淨几攤書處，好聽秋

聲雨滴蕉。

深秋未見冷侵衣，和煖風光興欲飛。差喜停鞭得妙境，會心端

的有真機。

爲進晨餐暫下車，空廊花影短簾疏。祇因驛路催人急，去後還

思再造廬。

山海關

音套千詩集

卷三

七

宦遊曾到臨洮府今喜東過山海關延互西看城堞繞蒼茫南
望水雲還由來守險推仁德何事勞民任佞姦此日蕩平歸
盛世祖龍空自費圖艱

澄海樓觀海

昔年未上蓬萊閣

澄海樓南岸卽蓬萊閣曩出使山左歷青萊二府特未到登州郡耳

今日欣登

澄海樓浩蕩信知無地載瀾漫祇見接天浮三山遠隱神仙宅
一葉輕颺估客舟納盡江河水萬派洋洋終古不增流

馳驅周道暫偷閒乘興登樓到海灣近岸漁舟出復沒排空雁

陣去仍還

適見雁飛未遠仍復飛回想海濶未能一翅越耳

卻觀信是難爲水高眺居

然可作山

遠望水中青蒼綿互勢如長岡

一色鏡平波斂淨

君王仁聖奠塵寰

恭和

御製澄海樓題壁原韻

縱日臨饒閣森森望東溟涯涘從何極隨潮見虧盈一碧互萬
里連天接蒼青蕩漾波不揚

清
君聖世泰亨到此得大觀恍如登蓬瀛萬派此歸宿相與慶宴

姜女祠

雄關山海兩爭奇姜女尋夫舊有祠自矢貞心全節義誰將苦

貌愧須眉

祠中塑像愁容淚
目儼然望夫之形

千秋遺憾畱荒冢幾處傳芳寫妙

培陰軒詩集

卷三

八

詞山西潞安直隸古北口皆有姜女祠名人多題咏以紀其事孰真孰偽訖無論定

聖主一言昭萬古秉彝公好不須疑皇上御製詩有長見秉彝公懿好訛傳是處也何

効之

錦州道中卽事

回首出關第幾宵細將途路說迢迢後前中所城爲壯小大凌

河水自饒中前所中後所小凌河大凌河皆途中經由之地儘有荒原休戰馬尙多沃

野穫良苗時正收割居民又道天橋廠間廣帆檣舉手招錦州城南五十里有

天橋廠臨海爲海船停泊之處

廣寧途中望醫巫閭山

廣寧欣攬轡高聳一山青翠裀雲堆嶂嵯峨石疊屏雄名尊北

鎮奇勢俯東溟擁衛金湯固神功永效靈

途中九日用杜工部九日宴藍田崔氏莊韻

乘秋策馬壯懷寬到眼風光不盡歡
噲彼幾人嘲落帽喜今多
士慶彈冠時勳理文閣甫畢卽起程東來黃花香噴金風老塞雁羣飛玉露寒
漫把茱萸頻勸酒紫山丹葉此閒看

盛京恭紀

得瞻形勝喜成謠雄壯天然匪琢雕
西枕巫閭山作鎮南收滄
海水爲朝民風尙儉人敦樸禾黍如雲土沃饒信是豐京
興盛地萬年基業仰

神鑒

太祖高皇帝天命五年克藩陽十年遷都遂基啟萬年之業

九月十六日隨

駕恭謁

福陵

月色初偏參正東早看仙殿啟簾櫳瑞煙縹緲籠金頂佳氣葱

龍護

闕宮一代嘉謨推

聖德萬年鴻緒頌

神功

隆恩門外左右
列聖德神功坊

忝隨拜跪窺

誠敬追遠頻繁禮意崇

賜宴大政殿恭紀

禮成

特賜宴羣僚大政班儀視早朝

是早在崇政殿朝賀

丹陛近臣歌喜起

時有喜起舞

玉階仙樂奏簫韶趨蹌人是貔貅隊

列坐身依星漢霄酒食頻頒仍

賜錦

天恩忝拜感同邀

賜蟒衣一襲恭紀

喜起初從

賜宴還又傳特地

龍恩頒

得賜者十九人除御前五公軍機大臣外

錦章燦爛

惟大學士三寶及季堂二人實

特恩也

古今詩集 卷三
星辰近藻采光華霄漢閒被服增榮叨

聖澤趨承多幸荷

天顏每逢異數添慚赧報稱無能鬢早班

謁北鎮廟

廣寧城外平山麓鎮廟巍巍氣勢龐碧殿琉璃輝斗極靈威赫
濯萬山降

煌煌棟宇費雕題拾級參神星漢齊拜罷繞廊尋古跡從人爭

報夕陽低

古松盤屈護山門半見青葱半槁存

院內古松一株勢若盤一龍西枯東茂莫可記年一

本兩枝分妙運漫將寒煖費評論

東山石與西山石空洞崔巍各闢奇

廟後山院東西各突一石東石高聳可遠眺西石空

洞可伏行而過

造化天然畱勝地縱觀終古不能移

夷齊廟

千古夷齊廟孤城傍水濱

廟在孤竹城內潞河之陰

求仁甘讓國重義拚輕

身薇蕨當年采烝嘗此日陳清風起頑懦宇宙淨無塵

蒼星橋舍人扈游寄懷元韻二首

多情鄭重記前遊雁字南來過幾州都下十年今小住吳門三

載舊勾留別懷詩寄花如雪衣錦人歸月滿樓

星橋居樓之名

盛事乘

春得放眼高歌此日莫悲秋

江東風景憶經筵香雪曾看不染塵昔日賓朋成底事祇今雲

樹是前因酸鹹嗜好原多別冷淡知交自有真買得豐臺花滿
壁故人何處對良辰

出都日口號

清和天氣出都門綠樹陰濃村外村到處禾苗真繡野幾家積

貯是雲屯

村村有秫楷稗草堆積因去秋有年也

雨膏惟乞三霄沛

時久未雨民多望澤

賊須防一種存行遍縱橫阡陌路夕陽又襯晚煙痕

途中卽事

綠疇盈野長新苗婦饁夫耘各見招辛苦胼胝勞手足昨朝纔
罷又今朝

途中喜雨

烏雲天際陡嶙峋
霖霖移時淨泥塵
一自天恩沾被後
青葱禾黍正添新

過苑家口木橋

三十年前此地遊
滿天霜月一扁舟

庚午冬尚未補官暫住固安縣署會至此駕小舟夜

下天津今已三十五年矣
紅橋接渡仍如昔
逝水何曾有舊流

寄壽蔡瞻亭侍御七十時瞻亭已告歸里居二十年

三十年前笑語陪
心如金石品如梅
承家德業學無忝
報國謨猷志未灰

桂苑傳芬新

雨露

時其次子蒙特賜舉人

蘭階衍緒舊栽培
欣從北斗瞻南極
好倩麻姑進綠醅

姑進綠醅

古稀天子正當陽百辟咸沾弗祿康在昔相觀頭尚黑而今漫

道鬢如霜綺筵應羨葡萄美

君昔日在京常言在家則思食馬乳葡萄在京則思食鮮荔每以不

得兼收爲恨今壽筵宏開當必以葡萄爲羨也仙醞還推荔子香

盛世逍遙開壽域梁山千丈引年長

君家居梁山之側

秋日金可亭大司空招遊尺五莊次陸丹叔少宗伯曹薺

原少司農韻

尺五城南地名園屢見招春花他日傲秋色此時驕橋占裴公

午池開王母瑤殿休得四美賓主各歡歡

入園秋氣爽舉手挹西山水靜魚吹浪林青鴉點斑晴空雲自

斂勝地日多閒夕照螺峰外誰家墮馬鬟

夾岸園蘆荻潛通活水深刺船不用楫栽竹自成林俊逸平原

唱

丹叔
首唱

清新子建吟

齊原
次韻

二難推勝事獨我愧知音

偷閒方雅集何事夕陽催往復知難住流連未忍回暫停船上
槳權放手中杯乘興期重會春風拂而來

中秋後一日寓園小集荅陸丹叔少宗伯韻

輕涼佳節後雅集有高朋氣共冰輪朗神同秋水凝唱酬歡主
客談笑會才能但得時投轄何妨歲月增

結廬依

帝里風景自清真池水圍如帶蘭言佩在紳一朝偷勝事終歲
幾閒人秋日晴光好休辭面色春

甲辰秋日奉

命赴灤陽恭伺秋讞出德勝門途中口號

去年此日朝陽道今歲今朝德勝門
曉露迎涼催塞雁暮煙凝紫入山村
雲屯春種耕多獲翠壓秋苗麥有根承

召載途瞻歲稔得勦讞典總

君恩

謁龍潭

潮河南岸神龍宅祀典新頒表石湫
沛澤每沾千里潤昭靈時應一誠求
山藏勝境通明相水有眞源自在流
拜罷縱觀仍策馬青松丹葉兩悠悠

山莊九日寄顧星橋

上塞重陽節

山莊錦繡圍

四面丹葉青松錯落如錦

昨朝宿雨重

初七日夜半雨至今初八日已刻始晴

今日

曉雲飛紫蟒嫌多瘦黃花愛不肥
舍人何所事秋興莫相違

扎什倫布廟歌用杜工部昔遊詩韻

扎什倫布廟譯言須彌福壽之廟

下直了公事閒上般若臺望中森壯麗式規後藏來摠衣瞻妙
相拾級路盤徊同登歡喜地四面雲山開高樓接玉宇崇巒小
天台曲廊通複道締構巧匠材輝煌見金碧璀璨日昭回神龍
守傑閣永杜惡風頽莊嚴丈六身琉璃絕輕埃威赫降魔杵清
淨玉蓮盃香花散煙霧氤氲氣佳哉大衆共頂禮豈乏卓越才

培蔭軒詩集

卷三

古

就中蒙古部望塵跪莢苔西番舊羌戎稽首乞矜哀

聖皇撫四夷假此龍象媒攝彼盡皈依輸誠無嫌猜祥光覆秋
菊和風連早梅到此極樂界何用羨蓬萊

開復頂帶恭紀

負疚經年每自煎不徒素食日拳拳稱平未信寸心殫妥協何
期

俞旨宣

睿鑒至明斯至允

鴻施無外亦無偏頂

恩戴德修臣職慎戒前非免後愆

途中接星橋舍人寄懷元韻並崇效寺看菊之作依韻和之

遠寄秋來興閑緘思黯然君能歡雅集我未會時賢古寺僧藏菊離情日作年歸時一樽酒相與話鐙前

哭次女

憶從

上塞回家日爲我歸寧笑語迎底事未幾人已杳一簾花影隔前生

生來父母階前玉嫁去翁姑掌上珠一旦音容成永訣慈親何以慰桑榆

膝前歸去甫經旬

前月廿七日回後初七日即故

忽爾痰生便喪身最是傷心

堪痛處那無一語別雙親

私喜娘年周甲子安排曲宴計歸時

訂初八日歸寧

誰知未了中心願

七日前頭是逝期

姊妹分衿今七載弟婚方定隔年春他時歡聚偏無汝應不灰

心委化塵

體弱每勞親護惜心強偏喜自撐持孤魂此日憑誰恃慈母慈

姑總繫思

和保勵堂同蔣戟門兩司農通惠河放舟喜雨卽景元韻

侍郎才子壓樊川捉筆酣歌落紙煙細雨柳陰中放櫂綠疇盈

目咏豐年

榴含丹蕊煙凝柳帶雨偏來李郭舟到眼風光成勝槩平川新
放碧波流

又和晚晴月下返糧元韻

雨濕濃陰晚翠稠長河景物正清幽歸舟東下無煩暑快若乘
風爽若秋

河流初長慢波聲入夜魚簪帶月明仙侶同舟歸去晚好風徐
送錦紋生

和劉石菴家宰謝贈洮河石硯原韻二首

曾過天山問舊碑臨洮城外數經之浮來水面石難得

洮石以浮水者

爲佳然

采自河中硯可爲前出端坑傳古質

洮硯出端石之前

漫同歛

并論風姿明窓淨几供臨帖想見揮毫落紙時

西去咸陽盡峻原秦封周建莫相論河穿積石收涇渭山接崑

崙辨艮坤到處黎民營土窟

民多穴居稱之曰窟

幾人甘雨潤荒村

甘省地瘠

歲常苦旱愧無隨車甘雨耳

攜來一片非師陸磨漚惟期勵智昏

乙巳九月朔出都疊去歲韻

秋日晶瑩秋氣爽又承

召命出都門纔過巷舞哄哄市便見衢歌處處村獲得千箱民

卒歲告成萬寶物歸根年來屢次襄刑讞寬大時時奉

聖恩

丙申之秋余換班扈從木蘭偕荆星海出京道過三道梁
見路中大柳一株盤屈菁蔥婆娑可愛曾與星海坐憩其
下今重經其地綠葉濃陰仍如往日時當九月他樹皆有
黃葉此樹獨無回首當日彈指十年而星海亦去世五載
矣撫今追昔因有是作

先凋自古嗤蒲柳此柳何緣老尙存綠葉仍畱初夏蔭長條不
瘁晚煙痕天施雨露原無擇物受生成各有根顧此低徊憶往
事故人墓木應難論

星海止一子甫六歲不知能否封樹寡婦孤兒深爲可念

重禮龍潭用杜工部重過何氏韻五首

重禮龍潭日光華仰

御書神祠有御書扁額神祠結勝境僧舍起精廬山峻多潛豹溪深少

戲魚高峯森翠嶺祇許白雲居

洞水蟠終古飛流瀑不移石窩藏虎子山半危石層疊僧言下有空洞名虎窩時有虎

在寒木聚鴉兒點染松楓葉依稀雁鶩陂幽情得勝暢不復問

東籬

寒景朝暾上三秋九月時四圍邱與壑一幅畫中詩潭淨留雲

影霜繁瘁柳絲到來清興熟歲歲此為期

引興乘秋日三潭疊瀉長焚香拂石鼎煮水點茶槍一雨及時

日千村穫稻梁歲豐民自樂差可告吾

皇

渡潮尋舊路來往數經年妙相排奇石雲潭響瀑泉自從增祀
典無復慮農田不盡重臨意秋光正皎然

承德府九日疊去歲韻寄懷顧星橋舍人

又是重陽日

鑾輿初罷圍青霜曉露結紫塞暮煙飛處處秋砧急山山丹葉
肥登高憶往事把酒與君違

和曹齊原大司農遁潞九日偶成兼寄懷元韻

露冷霜繁九月時百花凋盡菊花期長隨

輦路多清興暫別蘭言有夢思出岫秋雲晴冉冉橫空皓月影

遲遲歸來夜入瑤亭子

是日扈從駐蹕瑤亭子齊原出見懷詩

鄭重多情贈一枝

相求相應不相猜佳節開筵共舉杯南漕歸帆千艘去北倉剝

運百船來時潞河水淺糧艘阻滯齊原奉命起卸剝運主賓如期完竣糧艘俱得迅速南回特旨議敘

暢敘龍山會霞鶯齊飛潞水隈悵我無從陪笑語臨風一望一

低徊

題楊椒山先生臨刑前一夕諭兩子手書後

碎衣用陳禾請竄童貫事折檻奇男子取義成仁大丈夫一息尙存猶手

訓從容不計旅魂孤

夏日送吉晉嶠廣文之任太平

黃金臺畔相逢日正是黃花欲綻時清味乍投忽送別好將樽

火照離思

洞天見說數華陽秀發人文盡茂良三絕鄭虔推獨步鳳凰池
上待翱翔

上國聲華譽俊髦廣文從此荷榮褒莫嫌苜蓿盤餐冷教得英
才也自豪

答滇南學使曹定軒編修見贈原韻兼以寄懷

寰中五福自天申竊喜遭逢

雨露均萬里雲霞咸捧日三千條教盡含春身隨

魏闕才賢侶心繫滇池蘊藉人三載政成歸報績篋中名士是

南珍

丙午九月朔出都再疊前韻

司猷又承

君命召征車速駕出關門朝暎未上霜凝草晚綠猶酣柳帶村
一字橫空排雁陣萬山市地護雲根庸材每愧毫無補何辛年
年奉

湛恩

重禮龍潭變去歲用杜工部重過何氏五首韻

山僧守勝地經歲少音書載拜承

君命重來禮佛廬

潭上有龍泉佛寺

巢松無野鶴戲水有神魚

潭中時有游魚

色如泥金

泉石誠幽僻何人敢卜居

山石苔猶綠林泉鎮莫移迎人熟衲子驚客野樵兒又見新霜

葉還看舊水陂閒情偏愛菊思欲傲陶籬

時史怡齋同行謂蒼松丹葉之下再種菊

花高低燦爛更勝東籬

潭水由來淨非關九月時寒山堪作畫秋興總宜詩物換年中景人添鬢上絲焚香仍拜禱沛澤早爲期

山逕經由慣行來不覺長神靈蟠水府棟宇耀天槍歲歲敷霖雨家家足稻梁勤民特賜祀

聖德邁三皇

頻歲來瞻禮經過又一年豐碑銘愷懌疊瀑瀉靈泉紅葉團松逕青沙漬石田徘徊思往日風景益超然

和阮吾山司寇見贈原韻

時吾山奉派隨園

召命欣承出

帝京郵亭載月數寒更白雲我共商欽恤紫塞君偏扈
旆旌四十日中知已別一千里外故人情相逢相贈新詩句心
跡湛如秋水清

和顧星橋主政寄懷疊前韻四首

暫別都門出迎

盤上塞圍繞山紅葉見橫嶺白雲飛風勁弓尤燥秋高馬正肥
年年當此日觀
聖願無違

晴空雲斂靜天勢遠山圍早見興梁接還看雁陣飛霜繁木自

脫菊瘦影能肥九日無風雨登高興莫違

山莊避暑地秋日錦城圍擁衛羣仙集廻翔舞鳳飛磬鍾特挺

健羅漢太憨肥

磬鍾羅漢二峯名

勝日饒佳致身違興不違

別後方旬日蘭言寄到圍多情酬舊唱逸興發遄飛來信吟詩
瘦何曾食蟹肥約君歸賞菊百盞莫相違

張顧堂司馬出節孝家傳索題五代單傳三世霜守誠可
播之聲歌與余家七葉一綫兩世守節事約畧相同余讀
之有感焉賦詩一首質言紀實工拙不計也

幼讀柏舟詩美哉共姜節又讀歐陽文母賢子斯哲今讀張氏
傳節孝堪比烈君家本臨醴世儒光閭閻五代苦伶仃一綫綿

瓜瓞先有謝孺人心事堅金鐵遭時喪亂後攜孤求畛畷鳴官
反侵吞督課慰勞別童奴咸奮勵操作莫敢輟家道日以豐訓
子惟嚴切守財不如散一語明而決子終以義聞母實閨門臬
繼有馬孺人志行尤皜潔逮事兩尊姑靡不得心悅亡何失所
天一子如萌葉代夫體遺言上養下提挈強笑侍姑嫜舉幕暗
酸裂無心歌黃鵠茹荼精力竭井井筦出入臧獲息狡譎特特
寬佳城良人歸墓穴疆隣暴孤寡冒言是墓絕孺人手抱兒墓
居淚滴血乞與墓同存甘與墓同滅訟事得申理崢嶸樹碑碣
哀哀孤弱兒一病便迷迭良醫袖手觀咸稱當永訣宗族有不
良覬覦同饕餮孺人信天道德門無輕蔑栗栗護恤勤孤兒幸

成列侍膝不遠違奉養日無缺依恃卅年中節孝成表揭
詔許旌門閭立祠兼綽楔母逝子幸存廬墓頻奠醊三年處其
傍歸祠若羈紲事死如事生孺慕終身結是母有是子雙清永
不湮見存石老人與祖姑顏頤教子授官政時出聽論讞七十
作七歌心跡秋月澈筵肴民脂膏名言至理徹司馬素秉承賢
聲徧兩浙天佑康健身行看臻耄耄我今述懿徽使我動悲咽
我家曾大母孀居亦遭折我賴寡嫂成七世傳單子與君願努
力莫負靈內傑

送虞錦亭大京兆

予告歸里

四十登

朝八十歸

君戊辰進士分部今年七十九

恩光一路耀秋暉自言衰老辭繁秩豈爲尊鱸戀故扉千里邦

畿春有腳幾年心事願無違

君久言欲告

黯然此際難爲別翹首湖

山遠德輝

特允陳情返里門逍遙物外價難論布帆穩趁江湖濶鳩杖閒

尋松菊存

君曾與千叟宴賜杖

矯矯逸羣添鶴算翩翩接武見蘭孫一

堂冠蓋今三世仕止均沾

浩蕩恩

辭別朝紳出

帝京行裝猶是舊書生

余送行日見君
裝書數十箱

曾陪笑語師儒雅

余先
與君

同事
京尹

莫遣情懷送老成
林下優游叨

聖澤卿班磊落頌賢聲

八旬萬壽年庚戌來祝先期走馬迎

和顧星橋寄懷疊韻四首星橋復和二首仍依韻答之

九日閒雲斂晴光照四圍情同秋月朗與共彩毫飛雅意頻賡
和勞吟任瘦肥歸來重晤對恰是二旬違

蒙

恩復還原品頂帶恭紀

位竊六卿司寇重庸材碌碌日遑遑自慙奉職多愆謬何幸承

恩又寵光似水臣心期莫負如天

聖德感方長相將共語同僚屬誠敬還加十倍償

夜入古北口上南天門

平橋疊水出灣環
扈從歸來夜入關
行到南天門上望
千鎧夾道月衡山

祈穀南郊陪祀迎

駕入齋宮後
退食敝寓和竹軒少司馬韻

鵷班羣侍迎仙仗
祈穀南郊載歲華
律轉青陽光復旦
雪消紫陌淨無沙
氤氲滿眼爐煙裊
瑞靄當前扇影斜
日旰退歸同一飯
不嫌麤糲過吾家

送曹齊原宮保大司農告養歸里

十載班聯笑語陪心師儒雅意無猜何緣便作歸鄉別孺慕
妻繼老萊

年方強盛報

君長披瀝陳情感

聖皇教孝作忠

當代事

恩歸衍福煥

天章

先是太夫人八十大慶
御書南陔衍福扁額以賜

特允告歸全子職又頌

宸翰寵慈親

時又賜太夫人春暉衍慶扁額

體情優老

君恩普

孝治真教感庶臣

直把朝衣作綵衣堂前拜舞膝前依母賢子貴承歡聚雅咏循

陔世所稀

宮銜晉錫因能事詩句

親裁眷注專久舞綵衣邀

帝賜

時特加太子少保又賜御製詩一首內有祝爾久於舞綵衣句

康強長此戴

堯天

斑衣膝下無高爵畫錦堂前乏老親惟有君兼斯二者

聖朝今日見全人

君母八旬歸侍養我無特怙少何將相看此際情多感不爲離
羣也自傷

君臣遇合推

恩重朋友知交送別難祇冀無疆慶

萬壽頻來祝

遐藉盤桓

題蔣戟門司農少年行樂圖

紅荷綠柳碧池濱寫出風流自在身不必翩翩誇最少至今猶

是畫眉人

時新領
京兆

屬題曾記十年前潞水盈盈共泛船

戊戌夏奉命偕金可廷大司空赴通辦理國麥一案

戟門時督倉場曾邀乘舟同查糧艘舟中屬題此圖今歲丁未始克報命

未若箇中獨領畧怡情

物外自超然

丁未銍兒成進士蒙

恩改翰林院庶吉士恭紀兼以勛之

水有真源木有根經傳舊德是儒門一時際遇成家慶三世栽

培荷

國恩未讀父書余忝子克繩祖武爾爲孫文章事業原無盡更

待編摩細討論

強仕年登金殿榜

兒年四十

聖人親選鳳池翰

天恩自是因材篤世德須思濟美難叔嫂承家端賴鄭文章華國貴師韓傳將理學貽謨遠方爲科名慶所安

和無錫相國題彭芝庭大司馬所贈畫扇之作二首

由來文彥盛江東仙杏栽雲傍日紅

黃閣絲綸傳世美

御賜相國韋平世美扁額

絳帷先後坐春風

先四兄雍正癸卯爲

文敏公典試河南所取士小兒今科成進士相國充讀卷取置二甲精神老健堪稱富學問深沈

足固窮三十年來追往事怡情感舊畫圖中

鴻爪萍踪西復東殿春開後石榴紅仙芝瑞結三霄露庶類仁披一扇風過眼雲煙物易換逢人涼暖事無窮好將詩筆傳精

妙畱贈欣歸掌握中

丁未九月初一日出京途中口號三疊前韻

秋氣澄鮮秋興壯又承

君命出關門黃花乍吐圍三徑綠麥初萌繞萬村水淨寒潭泉

有脈山排峭嶂石爲根連霄雨澤沾濡遍

初一初二兩日雨澤連綿

正是吾

皇浩蕩恩

重禮龍潭再疊前韻

布澤昭靈蹟常年大有書蒼松環佛宇紅葉點僧廬入寺休羅

雀臨潭莫釣魚慣看疊瀉瀑又得禮神居

潭側飛瀑如雨余來值秋暮正潦盡時清

袂衣

揚鞭登峻嶺日晡覽時移寺僻無行衲山深少牧兒寒峰羣擁

岫湖水自成陂

潭在湖南岸山麓

牕木圍僧院何須羨竹籬

連日霏霏雨重陽節近時麻纖非灌木遮莫是催詩坐對千疇
綠何妨兩鬢絲風光欣屢過隔歲又相期

舊路遵山徑泉流日夜長僧門無檠戟農戶有禾槍聊爾茹蔬

菜

是日齋

非關飽肉梁年年來頂禮祈歲答吾

皇

舉目清華在依稀憶去年不徒遊勝地特爲拜靈泉家貯盈倉
穀人耕樂歲田畱連無盡日一度一悠然

過三道梁見道中臥柳疊前歲韻

過此題詩又二載婆娑無那至今存飄飄不羨靈和跡落落偏
留上塞痕長被天恩培老幹潛滋地脈養深根往來驛路人如
織青眼憑誰仔細論

山莊九日用高常侍重陽韻兼寄星橋

九日

山莊景物華四圍霜葉笑春花無邊林麓依山麓不盡天涯接
水涯菊繞籬黃時爛熳煙凝塞紫日橫斜年來屢失登高伴回
首垂楊起暮鴉

和嵩茱棠簷事灤陽九日看菊韻

九日風光好閒情愛物華菊圍陶令宅書滿鄴侯家高韻看翔

鶴幽懷任噪鴉雙清心跡對叢影入簾斜

江上歌挽萬鵬程

江上清風江岸月曾與故人江上別一別歷今十四年塞雁江
魚通款結底事音聞數月無傳道故人已殞滅回首江流思杳
然涓涓一逝成永訣憶君年少意氣豪襟期直比秋風高矯矯
錚錚不伍俗腰弓挾矢學六韜雄心可咽天山雪壯志思效疆
場勞太平

盛世四方靜息機改就文吏曹吏曹銓得江南地江河茫茫無
限思丞簿尉僚頻轉遷微末之職清白吏坎壈終歲飽風塵落
落未遂平生志六旬有四謝人寰寡婦孤兒灑血淚無何老妻

亦繼亡遺子有三口猶黃哀哀苦苦手與足失怙失恃憑誰將
殷勤寄語強近親保護莫教毛羽傷思君憂君情無已搔首叩
天天蒼蒼

保勵堂司農昔與余同官江蘇公事之暇偶尋名勝必有
唱和今奉

命參贊邊疆駐劄科布多控馭俄囉斯撫綏蒙古諸部落閒情
寫詠追憶舊遊遠寄誌懷長律一首依韻答之

姑蘇臺畔共奇探香雪梅花往事諳都護新名高漠北參軍舊
望壓淮南吳船昔泛才人楫宛馬今供使者驂不數風流羊叔
子多情吟咏憶湖嵐

和阮吾山少寇同李紫綬少寇

圓明園下直過大樹菴看海棠原韻

相將退直控絲繯春色無邊春晝長暫放情懷舒眼界爲尋花
木過禪房千株嫩綠咸依沼兩樹嬌紅不出牆麗影長留清淨
地怕招蜂蝶便無香

六十述懷

忽忽行年今六十不堪回首憶當時雙親早逝哀何極一嫂相
依苦莫支幸賴

聖慈垂舊老

先君見背之年特奉
旨眷念老臣

賜予蔭生

竊慚孤陋忝白司承家

報

國難無忝空負光陰兩鬢絲

欣逢

壽世人多壽花甲初週尙後生

時冢宰綽信菴少司寇穆恭菴年皆七十九大學士嵇公總憲

阿慎菴皆七十八總憲李杏浦七十六瑪少宰諾少司農皆七十四大學士阿公七十二大司寇喀靜菴七十一大宗伯德定圃少宰謝金圃皆七十冢宰協辦大學士劉石菴六十九大司空金可庭六十八鶴班趨值鶴髮隨肩仰見壽世作人之盛諸公視余則後生矣錦服章身縈綵戲白雲過眼感鄉情當年未得供甘

旨此日何堪設鼎烹惟有齋心思水木敢教行誼愧公卿

戊申九月朔出京途中口號四疊前韻

年年奉

召迎

鑾輅幾度都門又塞門就日回看雙鳳闕屯雲環指萬家村山
凝紫氣三秋景菊綻黃花二月根到眼時光皆助興放懷高唱
荷

天恩

再謁龍潭時潮水甚漲深不可涉臨河而返三疊前韻五

首

聞道靈潭上新添

御筆書

今歲夏初
賜御書
需甘時若扁額

祥光輝峻宇佳氣耀精廬策馬行看

鳥臨河不取魚何期秋漲盛阻我拜神居

風景仍前度星流歲月移未能尋寶筏何處乞吳兒注念三潭

瀑凝神萬頃陂回車望彼岸山木遠成籬

佳節重陽近風光遣興時望中思古畫行處覓新詩秋水翻銀浪霞天綢繅絲莫言今暫隔處禮約歸期

茂林遙望處山隔一潮長漲水聲如鼓高松勢若槍看民勤稼穡墾我愧膏粱未得參神宇星馳拜

玉皇

熟逕原生逕來年是去年水深難命駕山遠不聞泉農事需靈澤神功在福田回鞭休悵望有日樂陶然

山莊九日疊去歲用高常侍重陽韻仍寄顧星橋

又侍

山莊紀歲華重陽菊放鬪霜花

離宮麗景原無盡上塞風光未有涯
比戶砧聲千樣急排空雁字一行斜
懸知逸興尋高會笑把茱萸看噪鴉

題嵩山古柏圖畫

嵩高山畔嵩陽觀古柏婆娑迴不羣
五嶽居中推峻極三株惟大號將軍
柏在觀東本三株一燬於火其大者石刻云漢武帝封大將軍
相看黛色參差影同帶霜皮淺淡紋
信是託根依勝地降靈長護萬重雲

又題五言一首

維嶽鍾靈秀偏生翠柏蕃萬株巖畔立
二老觀東存葱蒨雲連朶離奇鐵作根
展圖時靜對貞固自成尊

已酉九月出京途中口號五疊前韻

年年讞獄遵

欽命又度關城大道門塞馬販行羣結隊

途過販馬自口北鄉南行成羣結隊

農迎賽會連村

時鄉村多演劇謝神誠豐年景象也

春花幸得成秋實新葉還須

養舊根到處民人咸鼓腹徜徉樂歲荷

天恩

九月過九松山寺次壁閒崔拙圃尙書韻

秋來載道問前蹤雲斂晴空此日容湖水灣環歸遠浦關山羅

列擁高峯詩畱蕭寺樹埋玉

時拙圃已謝世矣

月照平川風入松空憶

當年提唱者曾登九老與扶筇

拙圃曾入九老宴賜杖

恭和

御製龍泉寺瞻禮元韻

潮河南岸山有龍宅勝境奉

旨禱甘霖潔心惟矢敬焚香復長跪敢以民命請時雨沛然來
敬茁勃然整效順顯功能端仰

聖誠秉發帑煥舊祠紆

蹕開新逕路轉水回環天空潭影靜

鑾輿道經時山高地偏迴

是日駕自密雲至此用
早膳迂回山徑行已經時

勤民古帝

稀酬禮亦逸等昭靈咫尺中何必侈鴻臚水府深莫測有源亦
甚洞肖像列森嚴如生有欬警

賜額答神庥

御筆清且挺所祈得歲豐保民無饑冷奇蹟羣生欽廣濟斯難
並祀典備春秋密雲具簿領奉旨命密雲縣春秋致祭載入祀典水木雖清華
宸遊非玩景廟宇宜巍然

行館飭當省敷錫慶遭逢微臣實欣幸一言虔告神普濟須長
永

重禮龍潭四疊前韻

隔歲重瞻禮

去歲因阻水未到

經年少報書登山望神宇舉手指僧廬

草茂藏飛雉

時見野雞飛入深草

溪寒隱躍魚有靈能潤物養性此潛居

水木清華舊依然未少移有僧招衲子

寺僧新收一徒

無婦育嬰兒遠

塞排青嶂平川積翠陂四圍秋色裏紅葉照霜籬

山逕頻來往登高又及時不貪元亮酒惟愛少陵詩月滿潭開
鏡窓疎蛛結絲拈香祈歲稔仍爲隔年期

秋水潮河岸霞天一色長石林懸

御筆山怪避神槍歲歲覃膏澤家家飽稷梁看民忘帝力無復
羨義皇

求澤頻施澤祈年屢有年績昭千里潤靈發一泓泉樂歲多餘
粒荒原俱墾田徘徊不盡處非獨景超然

山莊九日再疊前用高常侍重陽韻仍寄願星橋

遮莫春光鬪物華秋容老圃放黃花登高作賦日重九把酒敲

詩天一涯僧帽山頭新月皎磬鍾峯外夕陽斜前宵風雨催佳

節初七日雨竟夜鵲噪朝暾暮點鴉

常山峪途中遇雪

扈從歸來第二程常山峪路石崢嶸清塵密雨先期灑載道層

雲入暮橫珪璧平填車轍跡瓊瑤碎踏馬蹄聲霏霏更願三冬

足瑞兆年豐愜

聖情

光山三臺詩

臥龍臺

與南陽之臥龍崗同彼以高賢見稱此以形勢得名志云轟起高阜陂陀蜿蜒勢若蛟螭蟠狀可

知矣

岡名已久著南陽此地臺稱亦煒煌自具直形蟠辟野不緣高
士臥滄桑癡眠終古非羣處珠抱當前豈衆行戲珠臺獨有一
泉號聖水供民高處樂安康

戲珠臺

距臥龍臺十里自因兩臺相望平野中他無隔礙

故事可傳志云西顧臥龍東瞰清流勢若弄珠於淵浦波光爲之生媚亦是此意惟圖畫則疊疊層崗毫無珠形或此臺可爲弄珠之地抑臺多卵石若聚珠乎皆不可定今雖雨意咸賦之究以未能親考爲憾耳

突起平臺號戲珠臥龍相對正歡娛攫挐不盡難藏領食噉盈
前漫捋鬚羣聚若還同合浦一堆成阜賽蒼梧由來大象無虧
缺星月憑人論滿孤

釣魚臺

相傳爲晉時孟嘉垂綸處嘉鄉縣人鄉卽今之羅山縣吾邑西南至西北均與羅山接壤或此臺舊

屬鄆縣嘉未出仕時常登此抑或因隣邑屢遊其處均未
可定此志所云其或然歟余未得至其地大抵是臺近水
可以垂釣遂目之爲釣魚臺境地幽僻既遠塵氛山水清
音又堪悅耳自足爲雅人遊覽之所若必實指爲孟嘉棲
遲垂釣之遺蹟等於富春江嚴灘之釣臺則鑿矣况嘉爲
桓溫參軍晉史列於叛逆何可與嚴先生山高水長之風
同日而語又烏足爲臺
之重輕而斲稱之乎

幾曲山隈抱水隈
隙岡爭說釣魚臺
閒耽野趣尋幽境
靜聽清音上碧壘
落帽自非純節士
披裘方是出羣才
莫將兩地名同處
認作高風一樣推

光山八景詩

北臺薰風
在邑城西北流慶山上登其上南望近則萬家
煙火遠則羣山拱列夏日南風尤能解憫誠可
樂也舊名臺榭來薰臺固不待言榭或當年有之志因見
無榭而云應繫以實地遂更此名意義無傷卽定之曰北

臺薰風亦可惜未能考其
榭之原始興廢爲憾耳

西來流慶爲城塹長夏憑高四望懸一曲雅操歌舜日萬家弦

誦樂堯天湖分晴雨煙波接

邑有晴雨二湖晴湖在東門外雨湖在西門內塔起尖圓

市井連

邑有二浮屠尖者在南關無名因形如立錐遂呼爲錐子塔圓在東關外名紫水塔乾隆丙子年圯矣

風

景因時成勝槩南山相對更悠然

官渡清波

官渡河本水經所謂黃水也自邑南百二十里北流遶西又東北流合諸水匯於此其上游隨

地名稱不一因此處埠口爲自豫達楚省通衢驛站設有

渡夫故名官渡遂稱爲官渡河北岸有樓名大觀俗呼爲

望水樓余少時聞清波之說有二一言其水四時皆清雖

盛夏大雨時行潦水泛漲波流混濁而山水消落甚易不

一二日仍歸清漾也一言春秋冬三時水多清綠不足奇

惟此河當夏雨泛漲之際波濤浩瀚洄澗旋渦中仍含清

影所以稱景也今志書不載其說而志羨於吳參議江清

雲影波中見之句吳詩旣言波中見則非平流之水必係

水漲波翻而清仍見影似乎後說有徵矣余居宅距官涉
河不五里又少時數數經過其地常時之清皆所目擊獨
未於夏漲諸水皆濁之時一觀其波之清與否耳今離鄉
已久年亦漸老恐終未能究其實也要之邑南多山城北
多崗他處之河多狹惟出城南行至北皆平衍而是河源
長水匯爲合邑巨津一登大觀樓則清流在前綠疇盈野
而南山之奇峯疊嶂青翠來接誠大觀也則
大觀之景在是矣又不徒謝其波之清耳

城南咫尺當官渡利涉無需問淺深雲影四時潨水底天光一

色映波心青陂野墅千村聚

青陂陂里保地名緣平陂廣遠村民多築陂塘蓄水灌田一望青蔥

故也志云青皮陂保是未究陂之義遂以陂爲皮也

彼岸慈航萬衆尋

對岸有禪堂古刹

試上大

觀樓上望南山遠黛翠來侵

賽山樵唱

邑東南西三面多山有名者固衆無名者亦復不少賽山之名不知是何取義傳有元人結寨

於上寨址見存或因此得名後人傳訛以寨作賽正未可定州志作寨山自本此縣志以爲誤不知何據若無據則

寨寨皆可不必爭我是而彼非也樵唱者舊傳山外人恆
聞山中樵聲蓋山深林茂樵采自多彼唱我和行歌相答
則四山皆響遠觀近聽誠足快目悅心故稱爲一景耳或
曰何山無應聲何山無樵唱何獨養山爲景答曰余幼多
山行見有大山而無應聲者有山不甚大而有應聲者又
有應聲而無林木亦有無林木而應聲獨響者大抵山深
谷邃四圍又羣山環繞始有應聲若有空廠處則不應矣
是山當是衆山迴繞無閒廠而有空谷又林木茂密樵人
多而歌聲應耳惜未能
親至其處一聽野音也

峻嶺危峯畱寨址深林絕澗有樵蹤高歌放響羣山應野調和
聲一笑逢不必鏗鏘諧雅韻自然疊拍愜村農崖邊星月溪邊
徑盡入哺含浩唱中

沙窩夕照

志載沙窩爲東南之要會余雖未至其地而耳
熟其名蓋吾邑四鄉田畝有東金南銀西銅北

鐵之稱以其肥瘠分金鐵等差以定其貴賤沙窩乃金鄉
最上之地山深林茂泉甘土沃尤爲可稱故居民庶而多

富市集亦喧闐至也志云處四山之中山青壁峭高插雲表每市聲未散日下高脊返照煙嵐紫翠絢然亦若登天姥峯誦孫綽見標雅句矣則其景大概可見所謂窩者當是言其山下水邊沙之廣而遠耳不必拘執窩子而於窩中求夕照也至建標說見標或操筆之偶訛而校刻者未能詳參考訂耳此著述之所以貴於警校也

水抱山環帶遠沙崢嶸石壁峭無加斜暉燁燁開屏鏡落照煌煌綃彩霞背卻朝暾偏燦爛對延新月也清華民居安樂閒尋勝歲歲相看未有涯

五馬秋雲五馬山志載或曰山如飛黃騰達昂首者五故稱五馬或曰昔有太守隱此修道仙去二說莫能明余謂此當視其山形定之如果有五峯昂首若馬者則前說有証不必載太守仙去之事若無昂首五峯即歸之太守亦可何必不加審視而存此疑耶余未到此山莫由辨其是非俟訪之邑人會到此山者可耳至言雲而繫之秋者蓋春雲多青冬多彤雲皆無可玩夏雲多奇峯則處處可觀惟秋爲白雲又爲閒雲閒雲流轉於青嵐紫豁

閒豎曳橫拖瀾漫斷續青白紫翠雜見疊出可觀可玩故
爲景也然秋山白雲何處無之獨稱五馬者當是其山高
峻峭拔峯巒青翠而白雲全出比他山更覺可觀若微飲
黃山西嶽太華以雲海稱奇耳志又載白雲迷漫四時皆
然言秋雲舉見時言之也若然則是是
山之雲四時皆白異於他山恐無是理

雄稱五馬排青嶂奇說三秋起白雲高曳輕綃圍遠黛橫拖素
練帶斜懸瀾漫岩下樵迷徑繚繞松梢鶴失羣此日閒姿春夏
雨無心出岫有時分

三山夜月

俗名三箇尖在邑南微偏西形如筆格峭插雲
霄最爲高峻其東懸流飛布四時不絕志云每

暮靄蒼然羣山方晰而山峯已輝映晶瑩浮煙盡澈見瀑
布傾瀉空明中若冰綃銀練挂青玉峯頭不殊黃海光明
頂也余耳熟其景已久志言誠
爲不謬第憾未能一登絕頂耳

峻疊三尖擁翠娥夜珠冉冉復如何飛來瀑布拖銀練看去蒼

培蔭軒詩集

卷三

三

苔點碧螺輝映台垣天有象光生蓬島海無波新殘弦望皆先得高處空明任嘯歌

郎畝春耕

畝者平疇也吾邑東南西三鄉凡山崗環繞之內有平野村居者多以畝名如青陂畝天塘畝

甘家畝團畝管家畝何家畝不止一處寬者周圍數十里窄狹者亦數里至十數里不等若不及一二里方圓者卽不以畝稱非指山卽因河爲名矣凡畝田俱有溪堰陂塘之利山中之畝更多沃壤而泉流匯聚灌溉無虞尤爲貴尙郎畝者以古有郎官莊得名志云在向清城保四面皆山潭溪水東西繞之已確指其地以春耕景屬之又載或曰城西天塘畝非郎畝郎塘韻之譌也似又以春耕屬之天塘畝矣不知天塘畝四面皆土崗俱闕土種植又無茂林其中平田雖周圍約十數里而土多瘠薄僅一長堰蓄水亦時多渴竭余祖塋老居俱在其地且有祀田數十畝少時往來不可勝數方東作之時與他處無殊初不見其景之爲可稱也以郎譌塘之說皆採訪者未能考其實而意度之自以存其疑耳

四望春山羅一畝郎官莊地是膏腴披簑戴笠兒隨父攜飯提
漿婦饁夫麥浪翻銀風乍暖秧鍼抽翠水平鋪農歌鳥語聲相
聞誰寫田家好畫圖

淮瀆千帆

邑中河多淺狹郎官渡河稍寬深亦祇可通行竹排小艇若挂帆之舟卽時多阻礙惟淮河自

桐柏發源流數百里經縣境北西自羅山東達光州約百餘里舟楫相通上下不絕登浮光山一望則帆檣林立去住於煙波浩渺之中而中渡行人過往之楫橫出其間實覺豁胸快目故以爲景也此景雖近接息邑第南岸屬光多山北岸屬息盡平野舉首遠眺固不若登高俯視之廣遠此其所以屬之光山而不繫之息縣也千帆言其多耳

桐柏有源直達海浮光山外足奇游翦波送渡來回楫破浪揚

帆上下舟纜影頻驚沙際雁櫓聲時起水中鷗南江河北兼清

濟同是滔滔萬古流

培蔭軒詩集

卷三

三

登浮光山

即僕公山臨長淮南岸爲光邑西北盡境渡淮則息縣屬山下道旁石碑鐫東南第一峯五

大字蓋自西北太行嵩嶽迤邐東南千有餘里皆平川曠野至此始見此峯自此而東而南岡巒層疊至於峻嶺崇山與楚吳兩省相接故曰東南第一峯志稱爲邑之首山是祇解第一峯而未明東南之意也山有洞傳爲僕僕生煉丹之處故呼爲僕公丹洞洞已久空入洞不遠亦累石塞之矣余已巳年曾登此山賦長律一首未盡其意今著其說並賦之

此是東南第一峯好憑登攬豁心胸俯臨淮瀆千帆影遙接嵩高二室蹤縱目煙村平野濶回看雲樹遠山重當年僕僕生何在丹洞空餘碧蘚封

培蔭軒詩集卷三

男麟校刊

孫仁益正字

培蔭軒詩集卷四

光山 胡季堂 雲坡

古今體詩一百六十八首

庚戌夏六月奉

使山左出都途中口號

十載西曹心跡孤又承

恩命出京都皇華驛騎催程站綠野烟村入畫圖塵土淨知時
雨足禾苗暢若翠雲敷相逢若有前相見霜雪多添鬢上須

過新城王文簡大司寇故里有感

詩社詞壇舊主盟至今人士仰新城一時提唱風流歇卅種遺

編事業成每坐白雲思雅度再來青野緬修名

余丁酉于役
諸城曾過此愧

無交筆追前躅

文簡著述甚富
余則有愧焉

空有官階屬後程

乾隆丁酉歲余于役青州宿昌樂縣館舍見壁有畫幅旁

無對句因書一聯粘之壁比年四十九歲今庚戌年六十
二又以使事過此一餐時光迅速轉瞬已十四年不意仍
見拙筆因口占一絕

十四年前曾一宿書聯粘壁夜更闌碧紗紅袖休同論拙劣仍

留老眼看

題素扇畫丹白桂花

寫來叢桂閒丹黃雨雨繁葩似鬪芳持向掌中搖夜月不須雲

外覓天香

去日途中卽事

山重水複路迢迢過得長河幾道橋野店鷄聲驚夜月征鞍又
上馬蹄驕

行盡青齊幾驛程居民處處笑相迎細將年穀殷勤問說到今
秋可十成

土壁茅茨圍矮屋濃陰密樹擁高樓眼前貧富安耕鑿祇見年
豐盡破愁

男耕不解辭炎日女織猶能趂綠陰莫道夫愚婦有智須知勤
苦一般心

古原高擲夕照閒興夫推鼎覬牛山斧斤伐盡當年美祇到而今長野營

平度州城北七里有紫荆山樓溪出其下明時州人崔廷槐曾卜居於此標列樓溪十景鐫石立碑題詩十章各以堪愛字入首句見之志乘讞獄已竣雨後晚晴因偕吉少司馬及從官祖舫齋丁琴泉同往訪焉至則斷碑卧荒草中字已剝落十景皆無可考遂登紫荆山遠眺

經旬歲事雨初晴餘興相攜上紫荆大澤北來森翠嶺

城北七里有

大澤山崇巒聳翠爲一州最勝之地

勞山東峙特崢嶸斷碑空列樓溪景故國猶

傳寧戚名

西關外有石碣鐫寧戚飯牛處

最是風光堪喜處秋成滿目見豐盈

又和祖舫齋韻

城北訪樓溪閒觀物我齊雨餘新水漲雲散夕陽低十景憑誰
問孤村任爾栖至今堪愛處只有斷碑題

平度州郭外見碑鐫甯戚飯牛處又城西六十里見墓前
雙松盤踞蓊鬱有作

子役歷青齊信宿到平度膠水自南來大澤鵬北固一碑揭郭
門甯戚飯牛處飯牛歌三章白石喻抱素管子推其賢齊侯置
要路九合雖無功績著理財賦自古全才難分任得展布佐治
盡所長方足答禮遇歌言非虛誇表表傳異數山川應不移斯
人已久故昔讀飯牛歌今見路傍墓茫茫二千年青青兩松樹

自平度回程偕吉少司馬祖正郎丁掌科麟道長廣主政

夜渡膠河卽事

歸騎自膠東行行見膠水源發鐵櫪遙

鐵櫪山名在膠州膠水所出

流達滄

海邇

去海口止六十里

新漲浪湧花滾滾去甚駛石橋淹沒深船艇絕

素恃木筏紮數椽長廣僅盈咫奉

命曷敢停攜手共上此無處乞吳兒且聽齊人使牽弄放中流
瀾挽亦足喜逆風激回瀾擠之得順徙對坐若同舟笑談溯郭
李搖搖至岸西舉步似登彼先到有從官相看各莞爾回望人
馬屯待渡羣情跂一往又一來竟下夕陽晷少焉月東生朗朗
照兩渙風靜波漸平金光水面起燦燦閃錦鱗疊疊鋪霞綺仰

觀玉宇澄俯視誠淼瀾斗轉夜更闌浮送仍未已

天使尙羈遲行旅可知矣不求博望槎窮河極萬里願祈大慈
航普濟衆生企

平度事竣回至濟南雜詠疊丁酉歲前韻

珍珠泉

昔年曾此賞清漣今日何緣又看泉滾出琉璃仍串串幻來星
月總圓圓依然泡影無終古可奈深情有隔懸十四歲中彈指
過且將新蕊漫烹煎

時得新龍
井芽茶

趵突泉

十四年中兩度來名泉重到自低徊台星朗列池中見濟瀆雄

培蔭軒詩集

卷四

四

噴地底回疊湧浪花千點雪勾留驛使幾枝梅光陰任彼隨波逝對此還將笑口開

歷下亭

四望湖山天地濶一亭風月古今開當年文士賡歌盛此日知交笑語陪落落已無前度主

前次退陪唱和有李文鸞觀察今已逝矣

悠悠仍在舊

城隈偷閑又得尋名跡過眼煙光任去來

望華跗注

秦中太華遠迢迢跗注分雄早見驕不藉羣巒結衆嶂自然獨立表孤標鵠山低處飛形伏濟水潛來潤物饒看爾仍前身漸

老那堪回首說江湖

余甲午年在上海看黃浦江湖至今庚戌已十七年矣

匯波樓

有客重登百尺樓匯波仍是舊悠悠萬千人戶環城聚七二名

泉繞郭流

濟南有七十二名泉

南向泰山瞻日觀東從滄海問瀛洲依然

縱目無窮極星漢湖光上下浮

歸日途中卽事

來日晴暘歸日雨雲連海岱萬山齊纔過溪水翻新漲又踏泥途沒馬蹄

臨淄本屬洋洋國前渡淄河見石沙此際雨餘山水漲波瀾澎湃竟無涯

路過齊河入禹城瀾漫憑藉小舟行刺搖不若吳兒慣夜半中

流尙問程

山東境地連瀛海一路晴雲帶落暉
舟過鄭州登岸後長途坦坦入邦畿

乾隆己亥歲宮保總憲拙圃親家出

天門扈從圖囑題碌碌未遑報命適拙圃致仕歸里旋即謝世
荏苒韶光轉瞬已逾一紀今辛亥春日令郎樹璠四世兄
謁選後捧檄出都題以歸之兼志感焉

尙書老健貌清臞扈從

天門氣象殊早擁節麾推保障晚持風憲樹規模腰弓據馬神
偏壯覓句填詞興不孤回首雲亭陪侍地何堪今日對斯圖

中秋後一日培蔭軒小集次劉竹軒司農韻

昨夜微雲掩月融

中秋陰雲

曉看旭日映簾紅平分秋色心多壯滿

座高朋興不窮快雨催詩欣驟過曲廊迎客喜相通窓前翠竹尊前綠笑語從容臭味同

庚戌出使濱州獻縣途中九日

初秋經過又三秋九日重來景色幽野水已消前度漲

前次由獻縣乘

舟至河間府八里舖今已消涸矣

驛程無藉舊來舟閒雲斂淨霞天遠百木飄

零萬寶收莫謂登高堪遣興馳驅周道是奇遊

濱州途中聞雁

曠野稀人語長空忽雁聲離離天半落歷歷眼前橫結字無歧

障隨陽不後程來年春二月又聽爾飛鳴

憶菊

濱州無菊
因有是作

滿目風霜日黃花正放時祇因來渤海無處問東籬想像清臞影依稀淡雅姿耐寒知可久歸賞莫嫌遲

遇眼春花艷關心晚節香徘徊空對月遮莫是迎霜杜興憑詩道陶情賴酒領好將今日意歲歲種千行

答星橋顧員外寄懷元韻

城南尺五共欽崇

余與星橋共居一衙

奉使重教馬首東

夏間先有萊州之役君

有才稱奪錦客我無能愧濟川功西風陣雁縈離緒秋水伊人綰別衷回望金臺依日下詩情千里暮雲同

高駕輜軒衆所崇又聞野語到齊東段干爭說臺爲墓龔遂誰

言治有功

濱州屬古渤海地城內東北偏土臺上有祠合祀茅焦龔遂土人稱爲茅神臺西北隅亦有土臺傳爲段

干木墓按段干木魏人卽避地亦未能到此開封西北二十里見有墓府志辯其非斷爲北齊段子明墓而土人仍艷稱段干木云茅焦諫秦王遷母殺諫事固烈與濱地無功龔遂守渤海治最著乃土人止稱茅神臺而不知頌龔遂是皆不考之野語矣

老圃淡容穿望眼

濱無菊有懷菊之作

故交新句愜思衷夜闌起看霜

天月朗映冰心兩地同

寄懷李香林河督卽用所寄和希齋掌科元韻

憶別金臺後星光幾度移暮雲憑去住野馬任飛馳秋老霜風急春深日景遲年年思不競尊酒是何時

武定濱州雜詠

州城僻處實荒涼曲木斜撐起土房內外居民三百戶數家小舖也鋪張

渤海舊傳強悍地誰將刀劍變耕牛不思龔遂畱遺愛卻向茅

焦乞降床

濱州屬渤海地城內有臺祠龔遂茅焦土人只稱茅神臺祀而禱之

每逢四九日喧闐

城內逢四九日爲集期

葱芥雜糧列市塵綿布幾攤兼

線帶充庖尙有海魚鮮

地近海市魚頗多

麤布縫衣厚著綿名爲胖襖袴同穿生平不解皮裘暖只盼木

綿花色妍

雉堞全無是府城居然人戶見充盈就中高蓋石坊麗傳道文

襄世德亭

府城石牌坊多壯麗皆李文襄相國家所建

一望平陽百里賒絕無山嶺可雲遮居民慣識行途坦叱犢沿

村使笨車

車輪高四尺餘木轅箱皆龐厚
駕以牛較常行車大而且笨

茫茫城地白如霜也事耕犁遍種糧大雨無妨小雨怕沈浮春

夏費評量

城地亦多種麥咸稱春夏閒大雨應時則城氣下沈
可與有收小雨不時注則城氣上浮卽害苗不秀實

矣

凋殘楊柳傍鄉村松柏蒼蒼繞墓門最是棗兒堪食貨縱橫林

列價難論

樹木楊柳居多墓所則專植松柏
惟棗林遍野以其可食可貨也

村村秫稻作籬遮婦女排看使者車結束渾然安本分不知裝

飾有鉛華

地廣猶貧播種多不容溝洫轉流波一時積澇無消路徒嘆天

年喚奈何

地寬種廣全無溝洫道傍官溝非耕種以塞之卽填築土埂以便行車遂致流水不通歲多積滂愚民只

顧目前之小利而不慮常年之大患誠可嘆也是在牧民者善以導之耳

未消餘水繞柴門生計無他賴恤存幸不轉移離故里天家截

漕有

新恩

沿途多被水之區幸賴撫卹得無流離近又奉旨截漕給賑災民皆得所矣

答和希齋掌科送別元韻

同承

使命平反重共向濱州暫寄身倏忽離羣分去住莫思來路是

三人

同行爲穆精阿小司寇和希齋掌科及予三人希齋有巡漕之命留赴濟寧

殷勤此際惜分歧鄭重多情感後期已爲芝蘭歌易別定緣琴

瑟賦輕離

辛亥八月二十八日奉

詔赴熱河伺候秋讞六疊前韻

去歲逢

慈停讞典

去年壽

特旨停勾

今年承

詔出邊門綠陰未改千行柳繡野仍環萬姓村曉露凝時澄水

腳暮雲平處失山根依然民物看熙皞又賀豐登戴

聖恩

重禮龍潭疊庚子歲韻

山勢久森雄氣象石林仍衛古龍湫昭靈効順神多感保赤勤

民

帝有求萬壑千巖連塞嶂一泓三疊入潮流乘秋又遂拈香願
策馬回思往事悠

九月朔過王家營小憩道傍古廟次管松崖漕督鐵石齋
宗伯和希齋閣學粘壁韻

九月秋高爽氣清暫尋僧舍得閒情水無曲折難爲勢山不雄

奇莫問名

松崖原唱有閒僧不知山之句要之塞外山多非甚雄奇皆不傳名

寺外紛紛車轍跡

殿中寂寂鼓鐘聲細看前後題詩客南北分馳各有程

秋來玉宇正澂清逸興閒尋物外精神有威靈合塑像人無德
行愧浮名山松未改長年色澗水仍流舊日聲過客停雲憑去

住前程到處是歸程

九日

賜飯山莊之如意舟延薰山館曩歲壬寅曾奉

命入侍恭紀長律二首其次章止記畫舫蘭橈天上坐迴闌桂
殿月中看一聯餘矢錄存今又承

恩因足成之以紀異數

傳宣九日

賜朝餐趨侍平明露未乾畫舫蘭橈天上坐

由煙波致爽後登舟至延薰山館

迴闌桂殿月中看依然丹翠環山館信是肥甘出大官

是日食羊肉湯

飯
仰荷

聖慈慙忝竊載承

恩寵慶多歡

又疊壬寅年前韻

侍

宴欽承

帝命傳

山莊重九日暄妍四圍錦簇秋林色滿座香凝寶篆煙渥飲罷

酬沾

聖德近依霄漢奉

堯天紫薇垣內台星列盡是通明殿上仙

山莊九日仍疊舊韻寄顧星橋員外

九日無風雨晴山作帶圍接天霞驚起極浦水雲飛愛菊偏宜
淡題糕不問肥登高叨侍

宴

是日傳賜早飯
亦謂之登高宴

把盞與君違

同達齋玉少司寇自承德府至廣仁嶺途中遇雨偶作

褒典經旬今又回揚鞭並轡到山隈紛紛黃葉迎風落片片烏
雲帶雨來幾陣廉纖塵土斂霎時霽照夕陽開吾

皇鑾輅明晨出清洒先期絕點埃

過廣仁嶺恭和

御製元韻

鑿開高嶺賴

恩施勒出豐碑仰

睿思一道同風威戴日八方平政總乘時五丁蜀道功非異大
禹龍門績未奇利濟萬年歸坦蕩少無跋涉老安之

過古北口疊前韻

峻嶺懸崖雉堞環重城夾水鎖雄關祇今中外咸歸極保障何
須萬疊山

閱縣志讀東坡游淨居寺詩因次其韻

憶昔上此山驅馬復攬衣入寺禮莊嚴出寺坐翠微羣峰拱妙
境地僻無塵機結菴始齊僧賜名顯神威我別四十年久與此

山違回首望蒼茫山鳥自鳴飛今讀坡仙句想像雲烟揮大蘇

小蘇閒

兩山名

一篇誠增輝名山多僧占斯言信不非春花與秋

月香烟雜嵐霏四時景物換山靈有憑依安得長住宿旦暮看雲歸

題宗子鑑泉先人手書制藝卷

百行孝爲先大孝在繼述莫有後啟人前民終泯沒韋氏世象
賢桓家傳芬苾兩兩史冊光千古高貽厥吾宗有令子崢嶸見
挺特鯉庭幼稟訓高明賴柔克無何失所怙孤子心悲切獨矢
琢磨工百煉繞指鐵積學紹先人有名斯有實一舉捷南宮秋
曹分祿秩趨事耐勤勞矜慎順典則出守到江南轉朗蘇臺月

板輿奉慈親承歡無少缺放暇得餘閒仍理舊經帙檢點經笥
中忽得先人筆試藝冠前軍評隲周而密於時試者誰葛山老
元弼文字荷遇知感嘆頌先達捧誦憶當年痛傷早摧折忽報
元老來假滿還

鳳闕守土應趨迎刺船通請謁接坐聆談言禮待殊有別次日
懷藝呈道是先人墨元老讀之終發詞多喜悅拔置憑奇文心
賞非私暱何意卅年後又得重披閱文章信有神交道久固結
所賴吾子賢前徽復發越援筆記長言付與傳光烈宗子受之
歸裝池期整潔敬謹跋源流飲聲心泣血斯事真可傳斯文長
不滅世世誦清芬孝思見一節我今展卷看俯仰嘆三絕

和劉石菴進張文敏臨坐位帖全卷原韻四首

爭道唐賢得晉法傳來坐稿久無真魯公風節人如字居士臨
池筆有神石榻規模猶適俗墨花飛舞定超倫緣慳恨未窺原
本踰隔仙塵愧若人

忠義錚錚萬古傳便論文字也超然鴻詞宛轉惟言禮逸筆蒼
邁不取妍蔡米蘇黃差繼後元明趙董莫爭先由來舉世多慕
倣敢問何人得造顛

晉字名人匪一家二王筆法更高華魯公得髓誰堪匹司寇通
神蔑以加一氣停雲無少訾百般精采不爭差右軍能事今堪
接

帝語榮褒豈是誇

一紙能邀

睿鑒收石渠原不寶瑯球淋漓想見精神聚拙劣徒存寤寐求
墨妙三希堪繼勒

蘭亭八柱可相酬眞爲此卷遭逢慶

宸賞名高星漢流

壬子春日過昆明湖東隄望

萬壽山次壽雪少司寇元韻二首

昆明湖接玉泉水第一名泉天下知今日隄邊翹首望湖光山
色畫中詩

一色湖波漾綠漪六橋烟景望中知崢嶸最是延禧寺曾誦鵲篇

御製詩

春日送

駕回城同蘇慎齋大司寇韓蘭亭蔣戟門兩少司農劉青垣少

宗伯張壽雪少司寇過玉淵潭少憩卻賦

朝暾初散翠微煙送

駕同歸過玉淵

釣魚臺一名玉淵潭

在昔起臺非利濟而今建闢得安便

釣魚臺金章宗爲遊幸而設地本有泉自元明迄今歲久成淤每於夏秋雨潦西山一帶水漲之際匯集於此輒沮洳四行李乾隆三十九年上命開拓成湖仍立臺以存其名別開河引香山一帶漲水歸此又建闢以資節宣導流繞城以達通惠河

向來沮洳之地今成康衢而民人安便矣

山桃放艷嬌生語岸柳萌金嫩作妍春色

無邊春水碧湖光一氣遠連天

題宋冢宰牧仲先生小照

曾到滄浪補舊祠今從圖畫認丰姿

蘇州滄浪亭有公祠塑像日久祠圯遷公像於南禪

寺余辛卯歲陳臬江蘇爲補葺完好移像歸祠又另建一祠於滄浪亭西偏合祀湯文正公與公各設牌位署爲中州三賢迄

今已酉及二十載又復瞻公小像

大名遺愛垂江左風雅堪爲任子師

公以宰相之子

推恩入仕克自樹立如此凡爲任子者當知所法矣

題玉少司寇公餘習射圖

餘力當年本學文閒情今日更耽勤
崢嶸氣概桑弧志瀟灑襟懷鸞鶴羣

績著楚吳敷五教工精籀篆討三墳
欣從能事窺心

事夙夜惟思繼世芬

夏日友人自閩省寄送素心蘭二盆清芬襲人韻致淡遠
兀坐靜對而不忍離時固始蔡仰齋在寓素精繪事爲寫
友蘭圖並亦園小景因題短句

佳卉來閩海清芬結素心亭亭風際葉落落水邊林淡喜梅同
索幽宜菊共尋擁書成靜契思欲覓瑤琴

壬子八月十九日奉

召出京仍疊前韻

纔過三秋寒露節又承

召命出關門平疇禾黍初登獲野店雞豚半出村旭日無霜踈

木葉石泉停潦淨雲根年年此際趨

行在常侍

天顏荷

聖恩

望龍潭未得瞻禮又疊庚子歲韻

高聳層巒環翠嶂石林深處是靈湫曾承

聖命三虔禱只爲民生一意求山有蘊藏山更顯水能停貯水

長流祇緣奉

召難停騎勝景遙瞻韻更悠

石菴先生屬題槎河山莊圖卽次其韻

傍海依山地下居勝洛濱間尋餐北客靜作讀書人雨露滋嘉
種煙霞護老椿高風出塵表樂此不憂貧

海岱高門地

賜御會經奉

使過

丁酉歲余奉命赴諸城審理馮子明控案余官秋曹公
實為薦舉藏事後親至墓拜謁惟未至槎河山莊一瞻讀

書之錦
秋亭耳

看山青未了望水碧成羅一徑棲遲少千村刈穫多錦

秋亭畔地空自仰松蘿

臺上超然處山屏馬耳長

超然臺枕縣城馬耳山實當其面槎
河山莊在馬耳山之外故下云遠舍

近城環繡壤遠舍接溟茫地僻塵囂靜林深草木香不緣耽獨

樂世業鎖難忘

山莊圖畫裏妙筆爪畱鴻雲水思槎客亭臺緬鉅公松聲延戶

外花影入簾中清興足朝夕悠遊羨主翁

一幅佳山水吟題盡雅音林泉歡道服廊廟慶朋簪濟美聲華遠傳家世澤深瓣香文正久落筆更傾心

前詩意未盡復題長句

海洋西岸泰岱東瑯琊古郡稱雄風東武一城據其勝嵯峨馬耳森屏風扶淇西流入濰河曲折轉與北海通雲蒸霞蔚蒼莽外嵐光樹色煙雨中山水爭奇人物秀高門劉氏族居右九仙之麓槎河濱世有別業遞相守草堂寂寂齋廬深松菊繞門月到牖書田菽粟一心耕幽僻無營傲谷口一園軒廠錦秋亭清華滿目芷蘭馨文正幼時曾居此討論典墳窮六經立朝風采

照今古鍾英豈徒筆硯靈有園勿居是敦睦平泉午橋非親親
唐生胸中有蹊徑下筆寫圖心手應蒼翠淡遠各省形高低木
石皆清潤百里風光尺幅中麓臺曾許稱後勁有此真境有此
圖過眼雲煙心不競我昔奉使到縣城展謁祠墓竭夙誠槎河
遠在縣之野馳車未得窺軒楹勝地虛過哲人逝披圖感我無
限情山高水長世濟美安得結廬作比隣

癸丑暮春奉

使樂陵按事三月二十九日出都疊庚戌歲韻
奉

使星馳與不孤郊圻風景見清都蕩平歸極長安道葱蒨盈疇

稼穡圖白墮柳綿春事盡綠團村樹夏陰敷楊鞭幾度催行騎
未覺年華轉雪鬢

自陵縣德平至樂陵縣途中卽事

渤海舊多沙城地往年曾踏澇中泥今來恰值清和月喜見翻
銀麥浪齊

到處村莊列土房坦平屋頂作禾場不愁淫雨多浸損夏喜同
登夜卧涼

平野迢迢失遠岑村村綠遍聚成林他時喜見連枝綴此日都
無葉底禽

棗堪充食還堪貨不費耕犁不費耘歲歲收來助穀麥濟民亦

可息勞勤

九河分派洩黃流故蹟淹填莫可求惟有樂陵城外水鉤盤猶是舊經由

小城三里甚荒涼暫館潘家四本堂

袁彝菴引朱文公訓忠孝為傳家之本耕讀為教家

之本勤儉為治家之本禮義為保家之本

院宇蕭條門戶舊來禽石刻尙珍藏

潘氏家藏

邢子愿太僕來禽帖石刻尙在

樂陵縣謁許忠節公祠

凜然風節冠吾鄉烈烈錚錚史冊光策決寸心摧巨寇

公令樂陵時值

流賊劉七等作亂諸州縣多被屠毒公督民築城禦之又令城市居民於屋外築牆高過簷啟圭竇才容一人選一壯者執刃伺竇內又募死士伏巷內賊至旗舉伏發竇中人皆出賊大驚賊斬獲無遺數犯數卻城獲全民得安自古禦賊保城者有之

若夫築牆置寶俾來者不敢入在內者可以聞號而山是則義
公出奇制勝之心策非由師法也樂陵士民至今稱頌不置議
包身膽抗奸王才兼文武時非利氣作山河命易亡未斬宸濠
終有憾不圖千古薦馨香

舊治爭傳保障功森森祠宇在城中當年血染西江水此日香

飄北海風二仲春秋登祀典四時冬夏走村翁

二仲常典之外
士民仍私祭二

次拜瞻遺像低回處公是中州命世雄

樂陵虛心棗小而無核又名無核棗虛心美其實則

無核耳

渤海滄瀛遍珉林樂陵別種小沈沈祗緣無核人爭貴一號虛

心我自飲水土相宜充食貨接移有法任追尋

棗種以此接彼
初接核小再接

卽無核其法不知始自何人移接
他處仍復生核此則地土之利
莫專地利誇隣邑終賴天恩
雨露深

·蒙

恩自避暑山莊頒賜鮮荔一枚恭紀

聞南鮮荔貢

天家一顆欣承拜

寵嘉襲綢丹砂團作裹肌凝脂玉嫩無瑕擎來氣味清脾膺食
去甘香沁齒牙仰荷

聖慈垂顧重感慙心力益交加

題修園主人行樂圖

脫卻朝衫遂反初服趺坐正襟本來面目行年知非息機榮辱
無勞侍史無煩披拂不事流觴不需絲竹青松一株覆蓋若屋
流水繞前耳後飛瀑山靜苔蒼草木芬馥樂水樂山仁智是淑
養心無營怡情清穆百八牟尼隨手轉轂念茲寸衷自具金粟
非慕長生莫言辟穀悠然悠然謂抱璞

題瑤華道人畫九松山圖

檀州東去萬山重蒼秀迎人是九松曾聽濤聲宿上舍更因月
色陟高峰天開圖畫怡情遠筆奪神功潑墨濃畱鎮山門傳妙
蹟何須玉帶問芳蹤

蒙

賜鑲玉如意一柄恭紀

由來五福自

天申拜

賜頻沾雨露仁久道化成推

聖主無邊恩意浹微臣家祥幸際

昇平世人壽先邀強健身遂願稱心皆

帝錫惟將誠敬答

楓宸

甲寅春朝題額星橋員外贈迎年集祉圖

韶華歲轉薦辛盤梅萼松枝綠閒丹寫上素屏簇勝錦題來吉

語馥於蘭春融化日祥光滿人慶豐年瑞景攢清晏卽今饒福
祉家家如意樂平安

送王蘭泉少司寇得告歸里

新奉

恩綸拜玉除君今何幸遂懸車祇緣松柏牽孺慕豈爲蒞鱗戀
故廬老病自言疎報稱

聖恩特許解簪裾從知三泖湖邊地秋月春花得所於

憶昔西曹賦盍簪同膺上考戴

恩深

乙酉京察與君同邀一等蒙恩簡擢遂各分離

君從滇蜀畱勳蹟

君曾從征緬甸金川我

向秦吳表素心正喜重逢期共濟那知輕別便分襟蓊門煙樹

松江月兩地閒忙各自吟

甲寅奉

使吉林正月十五日至山海關

新春承

命駕輶軒到此欣欣是上元
燈彩盈門懸百疊笙歌沿市奏更
番月臨滄海精神濶山擁雄關
氣勢尊昔日邊城今內地

昇平人事鬧闌喧

山海關疊前韻

山連雉堞城連海又見雄封古
作關雲水萬年分去住星霜十

度任回還

余於癸卯年過此今
甲寅已十易寒暑

當時興作徒勞力此日平成但

詰好中外無虞歸坦蕩

盛朝安樂昔人艱

和許秋岩上元山海關卽事元韻六首

奉

命星馳頃刻開曉風明月送寒山村村歡慶元宵節鎧火烘烘
到海關

新春歌鼓鬧紛華踏月人人醉酒家惟有清心前侍御行來坐

對一甌茶

原句寒庭冰
漫漫烹茶

太平鼓應太平歌此夕鎧花不引蛾高搭錦棚豪鬪勝爭如達
華月光多

馬首東來第五宵長河幾道水迢迢行看鐙月交輝夜不問前途路尙遙

疆分禹貢舊青州曾記當年海上游

余癸卯年過此曾登澄海樓

今夜月光

明似水碧天清映廣寒秋

待漏身依碧漢霄屢承

使命駕星輶賡颺每自慙皋贊好采方言入頌謠

姜女廟壘前韻

千里尋夫事本奇傍關猶是昔年祠貞魂易化香埋骨遺憾難消皺上眉秦帝使民無惜命

聖皇崇節有褒詞

御製有詩刊石

芳名畱得堪風世莫說訛傳導衆

疑

望醫巫閭山疊前韻

山鎮森雄勢依然未了青羣峰堪入畫一列若爲屏盤踞臨東
海崢嶸障北溟此來承

使命無暇再參靈

癸卯年扈從
回鑾曾謁鎮廟

和許秋岩過廣寧弔明經畧熊芝岡先生元韻

黨禍從來害不窮有明門戶亦何同瞻徇敗績緣師弟歸咎同
兵罪傑雄應進

真人方敗泰失時名將豈全終仰邀

聖主憐孤憤特沛恩綸教世風

特詔求公後裔孫泗先以布
衣官訓導推縣丞誠贖典也

夜出威遠堡

昔聞威遠堡今出老邊門緣邊徹木柵界劃隸將軍

內屬盛京將軍外

屬吉林將軍

無分中與外一統歸

至尊輶車來暮夜取道行艮坤兩山夾平川繁星照碧痕雙鐙
引前道坦坦任駿奔冰橋流暗水利渡穩莫論夜靜人寂寥雞
犬聞村村民戶實蕃庶耕穫盡雲屯土沃歲豐稔不憂飽與溫
昔日强悍地各自遲并吞長白

眞主起智力本天神收伏龍與象遠近無勿臣開疆建

鴻業錫爵授勳親薄征厚補助愛物先仁民卽今安樂利總賴

聖皇恩欣欣歌

帝力長享萬年春

葉赫河至吉林雜詩

棉花街過葉河東疊嶺平川一望中強悍昔年徒抗順至今安

樂頌

神功

葉赫河是一大部落最爲強悍我太祖討平之收入旗籍

岡環水繞路迢迢河結堅冰厚作橋指點封堆行獵處嘶風一

片馬蹄驕

打牲仍是老圍場歲歲將軍率舊章教得甲兵嫻射獵精勤弓矢不安忘

高峰遠峙見崔巍長嶺迢迢送夕霏行下嶺頭平坦處人煙戶

戶對山屏

小孤山望大孤山古木蒼蒼雪點班名並西江緣特立莫誣神

女鬪螺鬟

西江兩山有以大小姑名者自是好事之誣

館舍家家炕火騰窻迎春日兩薰蒸要知民戶須溫煖門外寒

冰尙幾層

一統河邊百戶煙

卽益通河俗稱一統河又名易屯河

衣兒門上十家塵輶車夜

到搜登站斗轉參沈欲曉天

一統河衣兒門搜登站俱驛站地名

漸入崇山度茂林觀音嶺上碧雲深

是日微雪

行來歡喜前頭望

歡喜土人所稱二嶺名

萬竈江城是吉臨

吉林初作吉臨後改

一片城迎萬疊山

吉林南臨松花江舊止東西北三面有城江外則羣山拱峙

松花江繞半

城灣天然形勝天然畫氣象崢嶸萬古閒

緣城不樹長條柳

吉林山木最盛都無柳城之內亦無一樹

入郭江房架板多人

物殷繁山水麗綠楊城郭又如何

糧船戰艦列江湄盡屬將軍隸水師更有威呼存古製

威呼國語小舟

名剗整木爲之剗來整木便民宜

街鋪厚木障塗泥苫屋圍牆板片齊信是山林常富美斧斤亦

應以時稽

水深山廣帶平川沃野無邊盡墾田耕種不虞逢儉歲還將漁

獵供肥鮮

吉林舊有諺語棒打獐子瓢脣魚近日人煙繁盛雖非向日之比而山鹿江魚仍屬易得每歲冬仲販運

至京者

甚多

吉林十二韻

吉林興盛地船廠駐防城山聳長年白

諸山皆自長白山分支

江流萬古

清

城節松花江北岸

唐虞息慎氏漢晉挹婁名永吉曾州治

雍正年間設永吉州

旋卽

率賓舊上京

舊志稱唐渤海以肅慎地爲上京遼率賓府皆在吉林界內

昔時多戰鬪

今日樂

昇平土沃川原廣泉甘草樹榮旗兵嫺射獵民戶善鋤耕牛馬

沿村牧豚魚供客烹細梁炊玉粒

梁穀米似粟粒大而白亦有黃青赤色

鮮品膾

鱸羹

江魚種類甚多惟哲綠魚四顯似鱸色黑土人亦呼爲鱸魚

穀麥無繁賦參貂有薄征

歲歲放票

采參每票收參二兩餘者聽其自售打牲人得鄂皮報官輸稅每張僅收銀四分

地寒畱臘雪天

暖弄春晴不盡風光美欣欣見泰亨

望祭殿謁長白山

殿五楹在溫德亨山上距吉林城九里志載長白橫亘千里高二百里奉天吉林寧古塔一帶崇山疊嶺皆其支裔山去吉林城千有餘里層巒大壑路徑崎嶇人跡罕到因於此設殿歲時望祭焉

嶧嶧長白望迷離祗聽靈鍾造化奇遠若三山環弱水尊同五嶽峙瀆池接天峻峭峯巒秀市地綿延景物滋永佐

聖朝昭順應春秋時獻萬年卮

坎卦臺

乾隆五十六七兩年吉林連次失火延燒民居衙署盡成灰燼將軍具奏奉旨賞借造屋之資於

城北山上建坎卦臺對城南離方高峯用水制火以冀永奠生民也

吉林回祿雨爲災

聖旨憂民建卦來從此坎離成既濟萬家煙戶樂春臺

長白山行

白山高白山高嵯峨峻嶒摩碧霄迢迢直上二百里雲騰祇出

山之腰巔頭罡風寒威冽積雪皚皚無時消橫亙千里望何極

兒孫諸山伏不驕深林大壑生香草

山產安儲香草將軍歲一差遣官兵采貢內府供祭

除卻官兵人跡少五峰環峙一門通上有澄潭特窺杳百泉爭

注匯其中源分三江各浩淼松花北流鴨綠南愛濤

即土門江

東入

滄溟島

松花鴨綠愛濤三江名

神秀靈鍾天地根崢嶸磅礴勢莫論雲垂

霧羃龍虎卧五嶽之外此更尊遊客休整登山屐飛仙自眺扶

桑瞰瑤光星映參苗茁不數元圃靈芝蕃蜿蜒西入尤整峻脈

絡綿綿開昌運

興京之開運及盛京之天柱隆業各山皆發脈自此

挺生

眞人造鴻基戎衣一著乾坤定盤踞雄奇鎮終古發祥昭應於
茲盛鞏衛

皇圖億萬年廣大光輝

聖承

聖

關東道中見新柳

去時楊柳渾酣夢歸日長條解醉沈眉眼未舒春意淺萌芽已
動土膏深青浮一氣煙含翠嫩出千梢色閃金總爲和風吹暖
律欣欣榮向綠成陰

首夏奉

使成安至保定宿蓮池書院

前承

使命三宵宿

己亥春日同略靜菴奉案件自豫至直隸會寓此數夕

差查審
今奉

綸音再度來出水新荷方長養團雲夏木舊栽培化成庶類須
時雨造就人文貴達材我頌濂溪君子說石橋亭畔暫徘徊

和友人除夕小集元韻

除夕今朝退

紫宸歸來小集啟芳辰辛盤薦歲慚甘脆椒酒迎年愧旨醇瑞
雪已盈民戶臘卿雲還繞

帝城春萬家樂慶

培蔭軒時集

卷四

三

昇平世處處歡歌頌

一人

小除日同劉竹軒司農得

賜荷包竹軒詩以紀之因次其韻

歲除又見啟韶光
趨值常慚久荷囊
巧製不須雕玉珮
彰身偏得耀華粧
擎來天上雲霞麗
捧到人閒錦繡香
拜賜同沾

新雨露年年共戴

聖恩長

先宗伯蒙

恩賜謚文良恭紀

欽承

恩命異重申榮及先人逮後人苦志讀書邀

睿鑒究心理學荷

溫綸在生已慶遭逢盛沒世尤沾

化育仁敢謂窮經今食報仰蒙

聖主念儒臣

身後易名誠

令典何緣

特旨遂私情文因著述歸經部良以醇修表壯行兩字飾終華
袞重三生多幸子孫榮未能繼志傳家學長戴

隆恩感愧縈

書田經學舊貽芳六十年來荷

寵光

先君丙辰年見背至
今甲寅已屆六十年

爭羨

褒榮奕世美感懷風木寸心傷祗慚固陋難稱肖惟勵真誠勉
繼良傳語兒孫須努力

國恩家慶兩毋忘

乙卯秋日迎

鑾至密雲途中口號

經歲街衢看市肆暫時郊甸望山岑長城雉堞連高下紫塞煙
巒障古今禾黍登場民有慶雞豚散野物無侵昨宵幾陣廉纖

雨祗爲清塵

翠蓋臨

次關晉軒閣學長至前一日同齋宿寺中元韻

精舍城南近齋期好共尋禪
鐙瑩佛宇朗月映冰心
歲歲初陽轉年年

玉趾臨日長明日事今夜領清音

題張壽雪少司寇俯仰自得小照

千仞峯臨萬頃波
振衣高踞意如何
空明到眼開雙鑑
安樂隨心自一窩
靜處息機無愧怍
閒中妙悟不偏頗
悠然默契思陪侍
只恐相將笑語多

題四友圖

青松挺貞操脩竹標勁節梅蕊綻初春蓮花開六月蓮花似趨
炎梅花耐冰雪未若竹與松四時不改葉四物各異宜胡爲相
並列要之梅與蓮非愛涼與熱秉氣有後先因時呈秀發松竹
固孤高二花亦修潔坐聽松竹聲目擊青蓮苗獨梅不同風瘦
影扇中設祛暑憶嚴寒中心可通徹南薰披拂閒攜子共娛悅

次閩峯少司馬和程文恭公吏部藤花元韻

繁葩嫩葉繞蚪枝照耀晨霞映碧墀未得憑闌窺艷影好從唱
和憶芳時

文定文恭兩偉人後先名望鎮難湮栽培花草畱餘韻二百年

來老更新

翩翩鳳彩似聯班插架銓曹莫等閒回首故園初夏日紫雲呈

艷滿溪山

吾鄉山谷閒
藤花最多

新條舊幹亦蜿蜒劫火畱餘不偶然應是託根依勝地得將花
色引長年

一架當簷挂紫苞相看時在夏春交天邊雨露滋培溥嫋嫋高
擎帶嫩梢

殷勤護惜上階闌不逐春風怯曉寒心是憐才行愛物也同桃
李一般看

丁巳題譚薈亭少司寇滇南撫琴雙照

早民宣政久歌薰理性陶情暫息勤自撫朱絃規舊制漫誇綠
綺鬪新聞會心不遠君窺我得意忘言我對君我卽是君君是
我玉壺冰映兩無分

題譚薈亭少司寇臨池照

電埽公餘歸燕寢撫琴纔罷又臨池莊持敬體誠懸語妙用精
通子美詩公書本聖教序得瘦硬通神之妙禿盡千毫筆作冢化畱萬里口爲
碑非圖絕世誇多藝凝慮清心是退思

咏菊次劉竹軒元韻

三秋紫塞煙連嶂九日黃花繡作堆秀發春根滋露長香凝晚
節鬪霜開韓公老圃心惟愛陶令東籬手自培清瘦不妨輸國

色高標雅稱雪中梅

過韓蘭亭值劉竹軒先在蘭亭畱飲竹軒詢問修脯事喜
得其宜賦詩以紀因次其韻

幾曾相訂約先期偶爾同過未後時道有經權須達變人無畦
畛莫猜疑到門秋色開三徑入座春風借一枝暫共盤餐陪笑
語虛心何往不攸宜

次吳香亭同趙鹿泉九日陶然亭登高原韻

登高應節對看山愧我無緣共往還雲斂晴空霞鷺起風生野
岸荻蘆閒同持茗椀耽清興不把茱萸拚醉顏心自陶然神自
逸題糕落帽兩無關

題冶亭閬峰昆玉聯床對雨圖

人生有兄弟斯可言至樂讀書愛友于頌詩喜棣萼展此聯牀
圖欣羨增思索憶自承歡年趨庭兩總角攜手入家塾切磋咸
舞勺相將赴棘闈聯翩看薦鶚科第連郊郭才華軼轍若須知
軾與轍遜此同時爵雁行排青霄雙鳳巢阿閣追隨玉墀步退
歸居處約相對似忘言兩情融乳酪一任風雨聲意氣各磊落
友愛不替前怡怡共敦樸君家誠二難我獨一枝弱鬢齡失怙
恃手足無倚著零丁祇自嗟四海欲誰託看君填簞和俯仰無
愧忤願君永此懷長受

天恩渥

次張壽雪少司寇扈

蹕歸途自壽元韻

秋日迎

盤問屬車晴空雲斂雁行斜
熙風人唱長生曲勝景時開益壽
花七世舊

恩傳世美百年新算紀年華
欣依北斗瞻南極瑞靄綢繆未有
涯

戊午正月奉

命出督直隸劉竹軒宜桂圃兩倉場韓蘭亭司農贈行一律次

韻奉答

邦畿輔治本推賢固陋何期

寵命專官職修爲三字主

清慎勤

民生休戚一心連須思表率先

端已莫謂師干可市權仰報

君恩酬友誼

原贈有實心行實政之語

祇憑實力計安全

奉酬星橋老友寄懷元韻四首

蘇臺攜手上燕臺懷抱因時共好開天際卿雲承

命出日邊錦字載春來高樓佇月常教滿

星橋居有月滿樓

嘉蔭當軒

著意培

余居有培蔭軒

回首舊遊思兩地祇今尺五隔蓬萊

久從婁水養修翎詩社咸推舊主盟一舉鳳池朝染翰

星橋於甲午冬

日隨余入京乙未卽成進士先任中書

頻登虎觀夜輪誠

星橋奉旨修明鑑

清新雅韻邀

天鹽

星橋代余撰千婁宴五言排律百韻蒙上選

磊砢英才重玉衡

星橋屢分校禮闈

閣部

回翔廿五載每憑文筆頌

昇平

奉

命星馳頃刻開承光高殿觀

龍顏白雲自覺慙廉立青甸何能起懦頑翠羽加冠

恩似海蜨旌擁道重如山惟將公慎酬

高厚元氣須教萬井還

紀歲今經七十年老來離緒向誰憐思君氣味醲如醴念我情

懷義薄天謬擁百城慙輔治喜將羣彥詠薰絃祗期清

蹕山莊道重上金臺話舊緣

自天津乘船至淀池閱隄喜雨之作

烏雲密密雨如絲
望望田家正及時
麥已抽身資秀實
禾方出土賴培植
真成潤物無邊澤
信是逢人有象熙
我向淀池隄畔看
短蘆高柳綠參差

由來春雨貴如膏
何意今春竟幸遭
初以無聲潛震霽
轉成有腳肆喧嘈
慶豐官守宜加惕
望歲民心可息勞
端賴

聖慈清庶獄萬家人戶樂陶陶

淀池舟行雜詩

三河頭轉淀池濱
野水茫茫莫問津
我使吳門馳馬慣
輕帆如

泛五湖春

一望葭蘆到處深
遠隄煙柳綠沈沈
風帆行過楊芬港
入夜相呼聽水禽

擡頭聞報到臺頭
爭說

離宮水外樓
山石尙存牆院圯
他年何以供

宸遊

節方首夏時
三月好雨潛潛潤
物來年穀順成
風景麗推窓坐
對笑顏開

輕帆順過蓮花泊
踏藕人歸落照深
恰似江南好風景
稻秧貼水出新鍼

長隄千里護民田
澇水今同淀水連
我到斷隄頭上望
浸淹村舍若爲憐

眼中一片水汪汪
何處耕耘納地糧
蠲緩並施邀

帝澤也須宣洩涸田場

爭說蘇橋屬老泉
愚民無考信訛傳
須知公好原推善
祇道肩

山父子賢

紅橋苑口今三度
黑髮蒼顏雪鬢加

余自乾隆庚子至今凡三度苑口初年二十三歲繼

至甲辰年五十六今已七十老矣

橋圯人能還舊式
人衰誰得轉年華

舟停特傍淀神祠
盥手焚香有祝詞
虔禱安瀾東入海
護民隄

畔莫凌夷

時聞小艇響丁東

淀池漁船有擊銅鉦者驚魚入網而取之

又扎蘆城遍水中百計

取鮮充食貨祇今何處信天翁

舊傳雄霸淀泊中有鳥立水間魚來取食不至亦不往尋名信

天翁今則捕人多不見此鳥矣

東淀水承西淀水燕南趙北舊關疆而今八省津梁道坦坦時

修不設防

和劉竹軒司農元韻二首

聞雁

嘹唳聲聲到耳中聽來高下在晴空唱隨共戴陽和日呼喚同
乘淡蕩風清韻舒徐羞叫噪好音依約叶商宮久知南北飛鳴
處響應春秋歲歲同

培蔭軒詩集

卷四

五

見雁

春歸秋往自年年又見排空度遠天
結陣一行無失序孤飛片影有因緣
乘時北向江湖外應候南來耳目前
寒暑信能知遊就引人吟詠聳詩肩

和韓桂林員外寄贈原韻

忽蒙

新命下高雲載道

恩光麗景雲春殿趨承慚衆彥秋曹矜慎惜羣分物思甘雨隨時潤民待和風拂面薰身在畿南心戀

闕朝朝回首仰氛氲

和金蘭畦員外寄贈原韻

承

恩載道匪埋輪出作

天家守土臣千里黃圖思鄭重百城赤子仰真純勞先敢矢心
如舊憂樂惟期氣轉新知已尙須頻啟迪莫教鄙吝愧膏郇

和熊謙山少司寇寄贈原韻

韶華歲歲耀彤雲二十年來坐白雲昔日西曹聯步伍往時南
國懷襟分

君恩喜得從天沛

君甫內擢
余又外出

友德難同待漏薰咫尺相隣仍兩

地

君京寓與
余居相近

芝蘭氣味想氛氲

培蔭軒詩集卷四

男麟校刊

孫仁益正字

先宮保莊敏公詩草經同時諸名公點定既復手自刪輯十紙存其六七暇日恭加編校凡塗乙可辨識者仍鈔存之因釐爲四卷付梓詩凡六百六十四首或以年編或以月紀略見於原題及自注中大約自乾隆壬申迄嘉慶戊午四五十年間所作故篇什前後槩未敢易置俾後之譜年者藉有攷焉時

道光二年春二月

男鏞

敬識於湖南鹽法長寶道署